



Pored uvoza govedeg mesa iz Poljske, koje je preko BiH završilo u Turskoj, domaći farmeri i mesoprerađivači uvezli su i telad iz Rumunije, koja su na samo njima znane načine postajala domaća i kao takva isporučivana turskim kupcima.

"S obzirom na broj obilježenih životinja i na količinu izvezenu u Tursku postoji sumnja za to. Sada je sve stalo, domaće niko ne kupuje i cijena je pala daleko iznad cijene koštanja juneta. Sada je takav haos da je bilo bolje prije nego što je počeo izvoz u Tursku", rekao je Ranko Sarajlić, potpredsjednik Saveza udruženja poljoprivrednih proizvođača RS.

Zabrinjavajuće je da su bh. poljoprivrednici još u ljeto 2014. od institucija tražili da zabrane uvoz govedeg mesa i goveda iz Rumunije, gdje je potvrđeno prisustvo kravljeg ludila, koje može biti smrtonosno i za ljude. Međutim, do toga nikada nije došlo, iako su neke zemlje EU uvele ovu zabranu.

Kako pojašnjavaju dobro upućeni u proces izvoza mesa u Tursku, sve je rađeno na način da se teladima iz Rumunije skidaju rumunske markice, nakon toga se zovnu veterinari i inspektori koji kazne farmera s nekoliko stotina ili hiljada KM i goveda obilježe domaćim markicama. Na taj način goveda praktično postaju domaća i bez ikakvih problema za njihov izvoz u Tursku se dobija potrebna dokumentacija.

"Donedavno su životinje obilježavane bez porijekla, karantina i bez porijekla majke i moguće je da su dovožene iz Rumunije i da su premarkivane na domaće pasoše, odnosno ušne markice", kaže Sarajlić dodajući da nema dokaza za to te da na takav način više nije moguće obilježavati uvezenu stoku.

On tvrdi da je izvoz mesa u Tursku napravio haos i da će uništiti ionako slab stočni fond u BiH, jer povećanjem izvoza povećava se i uvoz mesa u BiH koje je daleko lošijeg kvaliteta.

"Sve se radi naopako. Domaće meso ekstradobrog kvaliteta se izvozi, a uvozimo i jedemo meso zamrznuto i sumnjivog kvaliteta. Sve je zaustavljeno i meso od domaćih farmera gotovo niko i ne kupuje", kaže Sarajlić.

Prema podacima Uprave za indirektno oporezivanje BiH, u posljednje dvije godine u Bosnu i Hercegovinu iz Rumunije uvezena su 18.354 grla goveda teških oko 2,5 miliona kilograma i vrijednosti nešto preko 13 miliona KM.

"SIPA radi na tome i nadamo se da će pojedinci odgovarati za to. Skoro je uvezeno preko 330

Rumunsko tele kao bosansko goveče na turskoj trpezi

Autor Agro Servis

Srijeda, 13 Januar 2016 09:28

tona mesa i goveda iz Poljske i Rumunije i to su radili pojedinci. Sve se zna i koji, a postoje i papiri", rekao je Vladimir Usorac, predsjednik Udruženja poljoprivrednih proizvođača - mljekara RS.

Kolika je šteta napravljena uvozom radi reeksporta u Tursku, najbolje govore podaci poljoprivrednih proizvođača, koji kažu da je u drugoj polovini 2014. godine cijena junadi žive vage dostigla i pet maraka, te da se danas može za kilogram dobiti tek manje od 3,5 KM i to zato što je domaće tržište preplavila roba iz uvoza.

Podsjećanja radi Državna agencija za istrage i zaštitu (SIPA) nedavno je započela istragu izvoza mesa u Tursku, jer su se pojavile glasine da pojedini mesoprerađivači meso koje je daleko jeftinije uvoze iz Evrope i kroz razne mahinacije pod oznakom "made in BiH" ga izvoze u Tursku.

Izvor: Nezavisne novine